



Javno preduzeće  
**ELEKTROPRIVREDA BOSNE I HERCEGOVINE**  
d.d. - Sarajevo

Na osnovu Odluke Nadzornog odbora o poništavanju dijela Javnog konkursa za imenovanje članova Uprave - Generalnog direktora i izvršnih direktora Javnog preduzeća Elektroprivreda Bosne i Hercegovine d.d.-Sarajevo, broj: NO-5211/16-17/7.1. od 24.02.2016. godine, Javno preduzeće Elektroprivreda Bosne i Hercegovine d.d. - Sarajevo objavljuje

**PONIŠTAVANJE**

dijela Javnog konkursa za izbor i imenovanje članova Uprave - Generalnog direktora i izvršnih direktora Javnog preduzeća Elektroprivreda Bosne i Hercegovine d.d. - Sarajevo

Poništava se dio Javnog konkursa za izbor i imenovanje članova Uprave - Generalnog direktora i izvršnih direktora Javnog preduzeća Elektroprivreda Bosne i Hercegovine d.d. - Sarajevo (u daljem tekstu: Javni konkurs) objavljenog u dnevnim listovima: „Dnevni avaz“, „Večernji list“ (izdanje za Bosnu i Hercegovinu) i web stranici JP Elektroprivreda BiH d.d. - Sarajevo dana 14.10.2015. godine i to za poziciju pod brojem:

4. Izvršni direktor za snabdijevanje i trgovinu.  
Preostali dio Javnog konkursa ostaje nepromijenjen.



Javno preduzeće  
**ELEKTROPRIVREDA BOSNE I HERCEGOVINE**  
d.d. - Sarajevo

Na osnovu Odluke Nadzornog odbora o raspisivanju Javnog konkursa za izbor i imenovanje člana Uprave - Izvršnog direktora za snabdijevanje i trgovinu Javnog preduzeća Elektroprivreda Bosne i Hercegovine d.d.-Sarajevo, broj: NO - 5211 /16 - 17/7.2. od 24.02.2016. godine, Javno preduzeće Elektroprivreda Bosne i Hercegovine d.d. - Sarajevo raspisuje

**JAVNI KONKURS**

za izbor i imenovanje člana Uprave - Izvršnog direktora za snabdijevanje i trgovinu  
Javnog preduzeća Elektroprivreda Bosne i Hercegovine d.d.- Sarajevo

- I. Nadzorni odbor Javnog preduzeća Elektroprivreda Bosne i Hercegovine d.d. - Sarajevo raspisuje Javni konkurs za izbor i imenovanje na sljedeću poziciju:
    - Izvršni direktor za snabdijevanje i trgovinu Javnog preduzeća Elektroprivreda Bosne i Hercegovine d.d. - Sarajevo
  - II. Imenovanje člana Uprave - Izvršnog direktora za snabdijevanje i trgovinu vrši Nadzorni odbor Javnog preduzeća Elektroprivreda Bosne i Hercegovine d.d. - Sarajevo.
  - III. Imenovanje člana Uprave - Izvršnog direktora za snabdijevanje i trgovinu izvršiće se na period do kraja mandata Uprave - Generalnog direktora i izvršnih direktora imenovanih na period od četiri godine, počev od 01.03.2016. godine.
  - IV. Kandidati treba da ispunjavaju sljedeće uslove:
    - univerzitetna diploma VII stepena stručne spreme, tehničke ili ekonomske struke,
    - da nije stariji od 18 godina i da nisu stariji od 65 godina na dan imenovanja,
    - da ima opštu zdravstvenu sposobnost za obavljanje poslova pozicije za koju se kandidira,
    - da je državljanin BiH,
    - da posjeduje radno iskustvo od 5 (pet) godina,
    - da nije na funkciji u političkoj stranci,
    - da nije osuđivan za krivično djelo i prekršaj nespojiv s dužnošću direktora 5 godina od dana pravosnažnosti presude, isključujući vrijeme zatvorske kazne,
    - da nije lice kojem je pravosnažnom presudom zabranjeno obavljanje aktivnosti u okviru nadležnosti direktora,
    - da nema smetnji u smislu Zakona o sukobu interesa u institucijama vlasti BiH (Službeni glasnik BiH broj 16/02, 14/03, 12/04, 63/08 i 18/12) i Zakona o sukobu interesa u organima vlasti Federacije BiH (Službene novine FBiH broj 70/08) i da se na njega ne odnosi član 252. Zakona o privrednim društvima (Službene novine FBiH broj 81/15),
    - da je ostvario uspješne rezultate tokom rada,
    - da ima reference uglednog stručnjaka u svojoj oblasti,
    - da ima reference organizacionih i menadžerskih sposobnosti i
    - da ima program rada za period na koji se imenuju.
  - V. Kao dokaz o ispunjavanju uslova iz Javnog konkursa, kandidati su uz prijavu na Javni konkurs, dužni u **originalu ili ovjerenoj kopiji**, priložiti sljedeću dokumentaciju:
    - biografiju (CV),
    - diplomu visoke stručne spreme odgovarajuće struke, koja je stečena po propisima koji su se primjenjivali prije početka Otkrivanja Zakona o visokom obrazovanju u Bosni i Hercegovini ili koja je stečena u skladu sa Otkrivenim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova,
    - izvod iz matične knjige rođenih (ukoliko na obrascu nema naznake da su bez roka važenja, isti ne mogu biti stariji od 6 mjeseci)
    - uvjerenje o državljanstvu (ukoliko na obrascu nema naznake da su bez roka važenja, isti ne mogu biti stariji od 6 mjeseci),
    - potvrdu ili uvjerenje o potrebnom radnom iskustvu,
    - ovjerenu izjavu da ne vrše funkciju u političkoj stranci,
    - ovjerenu izjavu da u posljednjih 5 (pet) godina nije pravosnažno osuđivan za krivično djelo nespojivo sa dužnošću direktora, isključujući vrijeme eventualne zatvorske kazne (JP Elektroprivreda BiH d.d. - Sarajevo zadržava pravo da za kandidate koji ispunjavaju uslove po ovom javnom konkursu od nadležnog organa zatraži podatke iz evidencije, kako bi provjerilo tačnost podataka datih u naprijed navedenoj izjavi),
    - uvjerenje da u posljednjih 5 (pet) godina nije pravosnažno kažnjen za privredni prijestup – prekršaj nespojiv sa dužnošću direktora, izdat od strane nadležnog suda,
    - ovjerenu izjavu da nisu lica kojima je pravosnažnom presudom suda zabranjeno obavljanje aktivnosti u okviru nadležnosti direktora,
    - ovjerenu izjavu da nema smetnji u smislu Zakona o sukobu interesa u institucijama vlasti BiH (Službeni glasnik BiH broj 16/02, 14/03, 12/04, 63/08 i 18/12) i Zakona o sukobu interesa u organima vlasti Federacije BiH (Službene novine FBiH broj 70/08) i da se na njega ne odnosi član 252. Zakona o privrednim društvima (Službene novine FBiH broj 81/15).
    - program rada za period na koji se imenuju.
- Kandidati nisu dužni da u konkursnoj dokumentaciji dostave dokaz o opštoj zdravstvenoj sposobnosti, jer će JP Elektroprivreda BiH d.d.-Sarajevo izabranog kandidata uputiti na ljekarski pregled u nadležnu zdravstvenu ustanovu radi utvrđivanja zdravstvene sposobnosti.
- VI. Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se tiču ostvarenih rezultata tokom rada, referenci uglednog stručnjaka, te organizacionih i menadžerskih sposobnosti.

Kandidate koji budu ispunjavali uslove Nadzorni odbor može pozvati na intervju.

Nadzorni odbor će na poziciju člana Uprave - Izvršnog direktora za snabdijevanje i trgovinu imenovati onog kandidata, koji po menadžerskim znanjima i iskustvu, te ponudjenom programu rada, najbolje odgovara za izvršenje operativnih i poslovnih potreba JP Elektroprivreda BiH d.d.-Sarajevo.

Odluku o imenovanju člana Uprave - Izvršnog direktora za snabdijevanje i trgovinu donosi Nadzorni odbor uz prethodnu saglasnost Vlade Federacije BiH.

Kandidat koji bude imenovan za Izvršnog direktora za snabdijevanje i trgovinu zasniva radni odnos na neodređeno vrijeme.

Imenovani kandidat koji ne posjeduje sertifikat o završenom usavršavanju u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala biće dužan isti obezbijediti u roku propisanom navedenom Uredbom.

Rok za podnošenje prijave je 15 (petnaest) dana od dana objavljivanja Konkursa.

Kandidati su dužni dostaviti prijave sa potrebnom dokumentacijom, lično ili putem pošte, na adresu:

**JP Elektroprivreda BiH d.d.-Sarajevo**  
Sektor za ljudske resurse  
71000 Sarajevo  
Wilsonovo šetalište 15

Sa naznakom „Javni konkurs za izbor i imenovanje člana Uprave - Izvršnog direktora za snabdijevanje i trgovinu“

Nepotpune i neblagovremene prijave neće se uzeti u razmatranje.

Kandidati će biti pismeno obaviješteni o ishodu Konkursa, a priložena dokumentacija neće se vraćati.